

UPN sozialistengandik urrunago Tuñonen hautaketaren ondorioz

Petrizan (EA) izango da Nafarroako senadore autonomiko berria

Foru Parlamentuak Patxi Tuñon IUko hautagaia aukeratu zuen herenegun Nafarroako Kontu Ganbarako buru izateko, UPN eta HBren botoei esker. Tuñonen hautaketa ostikada berria izan da PSN-PSOErentzat eta UPN eta sozialisten arteko harremanak inoiz baino goibelagoak dira egun.

IRUÑEA

UPNren Gobernuak sozialistekin lehenbailehen negoziatzen hasteko nahia erakutsi badu ere, herenegun Foru Parlamentuko plenoan gertatutakoak gehiago urrundu ditu alderdi eskuindarra eta PSN-PSOE.

UPN, Herri Batasuna eta Izquierda Unidak bat egin zuten herenegun Patxi Tuñon Nafarroako Kontu Ganbarako lehendakari aukeratzeko. IUko hautagaia 28 boto (UPN 20, HB 6 eta IU 2) jaso zituen. Carlos Erce PSN-PSOEko hautagaia, berriz, 22 besterik ez zituen jaso, sozialistenak eta EAKoak alegia.

UPNk hasiera batean Javier Gomara aurkeztu zuen Kontu Ganbarako buru izateko, baina horrek 20 boto besterik ez zituela jasoko bazekitenez, Gomararen kandidatura bertan behera utzi zuten eskuindarrek. Herri Batasunak zer egin behar zuen ez zen jakin bozketaren azken unera arte. Jakina zen, hori bai, ez ziotela botorik emango Carlos Erce-ri, HBkoen ustez horrek ez duelako beharrezko independentzia Admi-

nistrazioaren kontuen gardentasunaz arduratzeko, duela gutxi arte Administrazioan aritu izan bait da.

Gabriel Urralburu PSN-PSOEko idazkari nagusiak ez zuen bere hasierreaz ezkutatu asteazkeneko osoko bilkuraren amaieran. Izan ere, sozialistek ez diote probetxu handirik ateratu Eusko Alkartasunarekin egin zuten hitzarmenari. PSN-PSOEek aberztaleen esku utzi zuten senadore autonomiko kargua eta horren truke EAren botoak jaso zituzten Ercearen alde, baina hiru boto horiek ez ziren aski izan UPN, HB eta IUREN gehiengoaren aurrean.

Urralbururen esanetan, UPNren erabakia «huts bat izan da eta, zalan-tzarik gabe, damutu egingo dira». UPNko ordezkariak datorren astean aurrekontuen negoziaketari ekiteko sozialistengana hurbiltzen direnean

laguntzarik ez dutela aurkituko iragarri zuen lehendakari ohiak. Urralbururen iritziz, UPNren jokabidea «errietatik dator, eta ez da logikoa» sozialistekin negoziatzea nahi badute.

HBko Patxi Zabaletaren ustez, Tuñonen hautaketak «agerian utzi du PSOE-EA-IU «aurrerabiderako paktuak» ez zuela oinarri tinkorik eta sozialistek huts egin dutela legeintzaldi honetarako taitu zuten estrategiari dagokionez».

**SENADORE
ABERTZALEA
NAFARROARENTZAT**

Sendore autonomikoa-ren hautaketan ez zen ustekaberik egon. PSOE-EA hitzarmena kasu honetan ongi ateratu zen eta Estebe Petrizanek (EA) 22 boto eskuratu zituen, UPNko Gortarik baino bi gehiago.



Iruñeko Legebiltzarraren bilkura asteazkenean.

JOXE

Erandioko atentatuan «helburu bakarra» agentea zela dio ETak

DONOSTIA

Erandioko atentatuan «ekintzaren helburu bakarra» goardia zibila eta ez bere semea zela dio ETak atzo 'Egin' egunkariak argitaratu emandako agirian. Urriaren 23tik azaroaren 7ra bitarteko atentatuak beregain hartzeaz gain, 'Kabi' Goitiaren militantzia aldarrikatu du eta Fabio Moreno hauraren heriotzak eragindako gogoetak plazaratu ditu.

Antonio Moreno Chica goardia zibilaren bi urteko semea hil zutenean atentatuari buruz, «Antonio Moreno goardia zibilak eta bere agintari guztiek inork baino hobeki dakite bera eta bera bezalakoak zirela ekintzaren helburu bakarra, aurrerantzean helburu izaten segituko duten bezalaxe».

Esku artean zuen lehergailuak ez-tanda egitean hil zen 'Kabi' Goitiaren eta Fabio Morenoren heriotzei buruz honako gogoeta egin du ETak: «Burkide genuen Xabier Goitia 'Kabiren' zerraldoak bezala, Fabio Moreno hauraren heriotz tamalgarriak urte luzez jasaten duen enfrontamendu guztiz bortitzaren ispilu garratza jartzen digu beste

behin begien aurrean». Ondoren, Vic eta Llica d'Amunteko gertaerak eragindako gogoeta ekarri ditu gogora ETak bere agirian. «Behin eta berriz ari gara irtenbide horrek behar dituen zentzuzko koordenatu politiko eta teknikoak oroitazten, baina ez Moncloaco bulegoetan eta ez Estatuko aparatatu faktikoetan ez dute oihartzunik gure aldeik», gogoratu du ETak. Orduko gertaeren ondoren argitaratutako agiriaren honako pasarte hau eman du berriz aditzera: «Zalantzarik ez dago PSOEko Gobernuak Elkarrizketa Politikoak berrituko hastea erraztuko zukeen bata besteenganako keinuen politikari ekiteko gutxieneko ausardia eta maila erakutsi izan balu, gure militanten bizitza eta baita goardia zibil eta bere senitartekoena salbaturik liratekeela». Duela hilabete batzuk esandakoa gogoratu eta gero ETak hau planteatu du bere agirian: «Zenbat 'Kabi', Fabio eta beste eragin nahi dituzte espainiar agintariak? Zenbat 'Turko' eta Mentxaka Iruñea eta Gasteizko mandatariek? Zenbat hildako gehiago, zenbat zauritu gehiago? Zenbat torturatu gehiago? Zenbat preso eta gartzela gehiago?



Amnistiaren aldeko Batzordeetako kideak atzoko prentsaurrian.

AABBe berretsi zuten Estatuak gerra zikina egiten duela

Z.Z. / BILBO

Amnistiaren Aldeko Batzordeek berretsi egin zuten atzo Estatu espainiarrean «benetako heriotz eskudroiak» ibili dabiltzala eta Estatuko aparatuen aginduak betetzeko sortu zirela.

Orain dela urtebete aurrez aipatutakoa esaten zuen agiriak AABBak prozesatzea ekarri duela gogoratu ostean, herenegun erakunde honetako exekutibak hori berresten zuela jakin erazi zuten atzo Bilbon emandako prentsaurrekoan.

«Gerra zikinaren» balorazioa egin zuten prentsaurrekoan, AABBeko ordezkariak berriz baietsi zuten Josu Muguruza eta Santi Brouard «gure herriak bere gogoei tinko eustearen ordaina» direla, eta orain dela urtebeteko agiria gogoratuta «Estatuaren izaera antidemokratikoa» erakusten dutela esan zuten.

AABBek salatu zuten Estatuak ez duela «GALaren beharrik euskal militanteak fisikoki deusezteko», eta adibide bezala Llica d'Amunt, Mor-

lans eta Begoñako gertakizunak aipatu zituzten, atxilotzeko unean Segurtasun Indarrek etakideak hil zituztenetan.

Alderdi politikoei, «egoerak eskatzen zuena ez ematea» leporatu zien eta abisua eman zuen «Gobernuak gerra zikina erabiltzeko dituen tentazioek emaitza guztiz mingarriak ekarriko dituela guztientzat».

Honi buruz, «espetxeetako GALa» sortzeko ahalegina aipatu zuen. AABBeko ordezkariaren esanetan, azken ETA eta APRE preso sozialen artean dauden harremanak buruzko azken informazioek «Estatu espainiarrak gartzelatan porrot» egin duela erakusten dute. AABBek gogor gaitzetsi zuten Amado eta Dominguez epaia eta ziurtatu zuten zeuden frogekin eta datuekin «ezarri ahal zitzaizkien epairik onuragarriena» izan zela. Erakunde honetako abokatuak salatu zuen epaia ontzat jotzen duela «Justiziak zertan ikertzerik ez duen zenbait gauza» daudela, Barne Ministeritzak ezkutuko diruez datu-rik ez ematea onartzen duelako.

Egutegi Fiskala - Azaroa

Azken eguna				Inprimakiak
11	Enpresari, Profesional eta Artistak	P.F.E.Z.	Zatikako Ordainketak	130
25	Empresa Haundiak	P.F.E.Z.	Atxekipenak Hileko Aitorpena	111, 123, 124, 126, 127
	Enpresa Haundiak	B.E.Z.	Hileko Aitorpena	320, 32-R
	Esportatzaileak			330, 331, 33-R, 31-R

* Azaroaren 11 da 1990.eko ekitaldiko P.F.E.Z.ren aitorpen eta likidazioaren bigarren zatia ordaintzeko azken eguna (102 Inprimakia).

OHARRAK:

- Inprimakiak Herrialde Historikoko estankoei erosi daitezke.

- Aitorpenak honako lekuetan aurkez daitezke:

- Positiboak: Herrialde Historikoko diharduten Banku eta Aurrezki Kutxetan.

Negatiboak: Herrialde Historikoko diharduten Banku eta Aurrezki Kutxetan edota Irun (Estación K. 5-7), Erreterria (Alfonso XI K.), Tolosa (S. Ignacio K. 2), Azpeitia (Jose de Artetxe K. 3), Bergara (Mintegui K. 5), Eibar (Arragueta K. 2) nahiz Donostiako (Prim K. 1) Zerga bulegoetan.



Cipuzkoako Foru Aldundia

Ogasun eta Finantza Departamentua